



Ofisina Sentral di Statistik

Informashon : (599 9) 461 1031 - Fax: 461 1696

Adrès: Fort Amsterdam s/n

E-mail: info@cbs.cw

Website: www.cbs.cw

Komunikado pa Prensa

Willemstad, 27 mart 2012

Preisnan pa konsumidó na Kòrsou, febrüari 2012

Preisnan 0,1 porshento mas haltu kompará ku luna di yanüari

E sifra índise di preis pa konsumidó na Kòrsou a subi na luna di febrüari 2012 ku 0,1 porshento kompará ku luna di yanüari 2012.

Si kompará e periodo di e último 12 luna te ku febrüari 2012 ku mes periodo promé ku esei, ta resultá ku preisnan a subi ku **2,5 porshento**.

Esaki ta sali na kla for di datonan ku a ser publiká awe dor di Ofisina Sentral di Statistik (CBS).

Desaroyo di preis entre yanüari i febrüari 2012

E sifra índise di preis pa konsumidó (CPI, “Consumer Price Index”) na Kòrsou a subi na luna di febrüari 2012 ku 0,1 porshento kompará ku luna di yanüari 2012, pues di 119,3 pa 119,4.

Kuater di e nuebe kategorianan di konsumo a keda stabil den preis, esaki nan ta: “Sobrá”, “Rekreashon, edukashon i desaroyo”, “Transporte i komunikashon” i “Muebel, aparato- i artíkulonon doméstiko. Kuater kategoria di konsumo a subi leve den preis kual ta: “Bebida i sigaria” (+0,5%), “Salubridat” (+0,2%), “Paña i sapatu” (+0,1%) i “Bibienda” (+0,1%). E kategoria di konsumo “Kuminda” (-0,1%) a baha leve den preis.

Pa loke ta trata produktonan i gruponan di produkto spesífiko, loke mas a sobresalí ta e kambionan di preis den e kategorianan di konsumo “Kuminda”, “Bibienda” i “Transporte i komunikashon”. Seguidamente esaki lo wòrdu ilustrá mas aleu.

E kategoria di konsumo “Kuminda” a bira mas barata prinsipalmente pasobra e gruponan di kuminda “manteka i zeta” (-1,5%), “batata, berdura i fruta”. (-0,8%) i “karni i piská” (-0,2%) a baha den preis. Especialmente e produktonan spesífiko “karni di kabritu” (-3%), drùif i preimu etc.” (-4%) i “siboyo, konofló etc.” (-7%) a kontribuí na e desaroyo aki.

E kategoria di konsumo “Bibienda” ta wòrdu karakterisá pa e subida di preis di artíkulonon di heru pa mantenshon di kas (+2%), ku a kousa e grupo di produkto “mantenshon di kas” pa subi ku 0,3 porshento den preis.

E kategoria di konsumo “Transporte i komunikashon” ta wòrdu karakterisá na promé lugá dor di e bahada den preis di gasoil ku 4 porshento. Notabel tambe ta e subida leve di preis di gasolin ku 0,2 porshento. E subida di preis di gasolin aki a neutralisá e efekto di e bahada di preis di gasoil, komo ku gasolin kompará ku gasoil ta forma un parti hopi mas grandi di e makutu di konsumo. Dor di e desaroyo aki e kategoria di konsumo “Transporte i komunikashon” a keda stabil den preis.

Desaroyo di preis kompará ku un aña pasá i inflashon riba término largu

E sifra índise pa konsumidó a subi entre febrüari 2011 i febrüari 2012 di 115,7 pa 119,4, un subida di 3,2 porshento. E sifra aki ta duna un indikashon kon karu e luna di febrüari di e aña aki ta, kompará ku luna di febrüari di aña pasá.

Na febrüari 2012 e promedio di diesdos luna di preis tabata 2,5 porshento mas haltu ku na febrüari 2011, pues un subida di e promedio di diesdos luna di e sifra índise pa konsumidó di 114,7 pa 117,6.

E sifra di 2,5 porshento ariba mensioná ta duna segun CBS un bon bista di inflashon riba término largu i p'esei ta wòrdu rekomendá komo instrumento pa indeksashon. Inflashon na Kòrsou pues ta demonstrá e último lunanan un trènt di subida gradual.

